



# basic education

Department:  
Basic Education  
**REPUBLIC OF SOUTH AFRICA**

## **NATIONAL SENIOR CERTIFICATE**

**IGREYIDI 12**

**ISINDEBELE ILIMI LEKHAYA (HL)**

**IPHEPHA LESITHATHU (P3)**

**FEBHERBARI/MATJHI 2018**

**IMITLOMELO: 100**

**ISIKHATHI: Ama-iri ama-2½**

**Iphepheli linamakhasi ama-5.**

**YELELA**

1. Iphepheli LINEENGABA EZIMBILI, u-A no-B.

ISIGABA A: Amatheksthi wokuzitlamela (Ama-esityi) (50)

ISIGABA B: Amatheksthi wokuthintana (2 x 25) (50)

**YELELA:** Abafundi bafanele baphendule imibuzo EMIBILI ESIGABENI B.

2. Phendula umbuzo OWODWA ESIGABENI A kanye nemibuzo EMIBILI ESIGABENI B.

3. Tlola ngelimi ohlolwa ngalo.

4. Thoma isigaba ESINYE NESINYE nombuzo OMUNYE NOMUNYE ekhasini ELITJHA.

5. KUSIGABA A kufuze uhlele (usebenzise umebhengqondo, idayagramu/ lflowutjhadi/amagama amummongo, njll.), ubuyekeze bewulungise neemphoso emsebenzinakho. Ukuhlela kwakho akuvele nofana kubonakale NGAPHAMBI kwe-esityakho.

6. Ukuhlela kwakho ukutlole kule kubonakale ekhasini lokuthoma bese uthoma i-esityakho ekhasini elilandelako.

7. Isikhathi esiphakanyisweko sokutlola isigaba ngasinye:

ISIGABA A: Pheze imizuzu ema-80

ISIGABA B: Pheze imizuzu ema-70 (2 x 35)

8. Tlola iinomboro zeependulo zakho zifane patsi nangendlela ezinonjorwe ngayo epepheni lemibuzo.

9. Isihloko se-esityi asingabalwa nakubalwa inani lamagama asetjenzisweko. Esigabeni B iimphande, iinlotjhis, isihloko neemphetho eencwadini azingabalwa lokha nakubalwa inani lamagama asetjenzisweko.

10. Tlola ngesandla esihle nesibonakalako.

**ISIGABA A: AMATHEKSTHI WOKUZITLAMELA (AMA-ESEYI)****UMBUZO 1**

Khetha isihloko ESISODWA utlole ngaso i-eseyi engaba magama ama-340–390.

Kufanele utjengise ukuhlela kwakho (kungaba ngokukodwa kilokhu: umebhengqondo/ idayagramu/ amaflowutjhadi/ amagama amummongo, njll).

- 1.1 Ubhle bokupha abantu abatlhogako izipho nokudla. [50]
- 1.2 Ubudala akusizo iinhluthu ezimhlophe. [50]
- 1.3 Indlela engazizwa ngayo lokha nangithola ithuba lesibili. [50]
- 1.4 Amagama awakhulume kimi angenze ngahlubuka esondweni. [50]
- 1.5 Ubhle nobumbi bokuvumela umntwana oneminyaka eli-16 ukobana abe nomazisi. [50]
- 1.6 Kunabantu abahlongoza bona umbuso ukhuphule iminyaka evumela ilutjha bona lisele utjwala ukusuka eminyakeni eli-18 ukuya eminyakeni ema-21. Vumelana nofana uphikisane nesitatimendesi. [50]
- 1.7 Qalisisa iinthombe ezingenzasi bese ukhetha ESISODWA utlole ngaso i-eseyi. Tjheja: I-eseyakho nesithombe kufanele zikhambisane.

1.7.1



[Sithethwe ku: [www.images.com](http://www.images.com)]

[50]

1.7.2



[Sithethwe ku: [www.images.com](http://www.images.com)]

[50]

**IMITLOMELO YESIGABA A:**

**50**

**ISIGABA B: AMATHEKSTHI WOKUTHINTANA****UMBUZO 2**

Khetha iinhloko EZIMBILI bese utlola ngazo ngamagama ali-100 kufika kwali-120.

**2.1 INCWADI YOBUNGANI**

Bewukhambele ikhomferense la bekukhulunywa khona ngokuqakatheka kokuba nomuntu omeluleki epilwenakho njengomuntu omutjha. Umuntu ozokuhlala, akutjengise indlela. Tlolela umnganakho incwadi umtjele ngeeyeleliso ozifumeneko.

**[25]****2.2 INCWADI EYA KUMHLELI**

Uthe nawukhambakhamba endaweni yangekhenu wayelela bona kunabentwana obabona qobe lilanga bakhamba nesilukazi esingasakghoni ukuzikhambela batjinga la kulahlwa khona iinzibi. Tlola incwadi eya kumhleli ngaphasi kwesihloko esithi; 'Ukuhlukumezeka kwabantu abakhulileko.'

**[25]****2.3 UMLANDO KAMUFI**

Nihlongakalelwe mzawakho obekungumaswaphela kwabo. Wena naye beniyirhara nomncamo, njeke bakubawe bona kube nguwe otlola umlandwakhe. Tlola umlando kamufi ozokufundwa ngesilahlo sakhe.

**[25]****2.4 I-INTHAVYU**

Umfundi obadlule boke abafundi beenkolo ezingaphasi kwedistrigi yesikolo senu eenhlahlubeni zokuphela komnyaka zegreyidi le-12. Uthe ungakatiheji kwafika umrhatjhi womrhatjho womphakathi wangekhenu ngomnqopho wozoku-inthavyuwa bona uphumelele njani. Tlola i-inthavyu ebe phakathi kwakho naye.

**[25]****2.5 I-AJENDA NAMAMINITHI WOMHLANGANO**

UnguNobhala wehlangano yelutjha isiBambene *Youth Organisation*. Nibe nomhlangano nabajamele ezinye iinhlangano la begade nikhulumisana khona ngokuqakatheka kokuba khona kwabafundi eenkolweni ngamahlelo wangepelaveke nalokha iinkolo nazivalweko. Tlola i-ajenda namaminithi womhlangano ebeniwukhambele lo.

**[25]****2.6 I-ATHIKILI YEPHEPHANDABA**

Nakunemitjhagalo nemiguruguru emiphakathini koniwa ipahla. Tlola i-athikili ozoyithumela ephephandabeni eliphuma qobe ngeLesithathu esigodini sangekhenu ulemukise abantu ngokuqakatheka kokuvikela ipahla yomphakathi.

**[25]**

**IMITLOMELO YESIGABA B:**  
**INANI LOKE:**

**50**  
**100**